

**Oqaluuserisassanut nassuiaat.**

(Inatsisartut Siulittaasuata)

Hans Enoksen, Naleraq, ullumimiit sulinngiffeqalerpoq.

Sinniisussamik ataatsimiigiaqqusisoqarnissaanik Naleraq qinnuteqarpoq.

Paneeraq Olsen sinniisussatut ataatsimiigiaqquneqarpoq.

Qinigaaffimmi matumani siusinnerusukkut Paneeraq Olsenip qinigaasinnaanera Inatsisartut akuerereerpaat.

Uparuaatissaqartoqarnerluni?

Paneeraq Olsen, tikilluaqqigit. Inatsisartuni inissannut ingissinnaanngorputit.

Oqaluuserisassani immikkoortoq 2 suliarineqareerpat immikkoortoq 3: Inatsisartut Siulittaasuata tullianik siullermik, aappaanik, pingajuanik sisamaanillu qinersineq, oqaluuserineqassaaq. Tamatumalu kingorna immikkoortut 4 aamma 5 oqaluuserineqassallutik.

Immikkoortoq 4 tassaavoq: Inatsisartuni ataatsimiititalianut ilaasortassanik sinniisussanillu qinersineq.

Immikkoortoq 5 tassaavoq: Siunnersuisoqatigiinnut aalajangiisartutullu ataatsimiititalianut ilaasortassanik sinniisussanillu qinersineq

**Taasisarnerit pillugit uku akornanni isumaqatigiissuteqartoqarpoq:**